

双
詩
集

哀情
小說

雙薄倖提要

血輪 著

一樵夫之女。美麗無倫。私與中表某生訂爲伉儷。某生背之。某公子素陰險。以狡計得之。公子遠出。惡叔挑之不從。因而讒搆其間。適公子攜妾歸來。惡叔復與妾通。女遂被逐而死。此書佳處。樵夫之老悖。公子之殘忍。叔之佻健。妾之淫蕩。與女之慧心卓識。和平貞潔。無不畢力描寫。以此懲勸頽風。或堪稍挽。

哀情
小說 雙薄倖

血輪著

第一章

茅檐一角。花影一簾。綠樹朱簾。映帶左右。茅檐之下。紙窗半闌。幽香縷縷。自斑竹簾中飛舞而出。透入鼻觀。簾外多蒔雜花。高低爛熳。五色咸具。方展其笑靨。迎風而顫。花香蓊鬱。與簾內之幽香。互相融合。日光斜照。寂靜無喧。此何地。蓋鄭樵夫藝花廣圃也。樵夫籍南昌。遷居余邑城南。藉售花爲業。時年約五十。髮白齒搖。頗露衰頹之狀。性嗜飲。得資輒沽美釀歸。以博一醉。爲人頗豪爽可親。

雙薄倖



以故出入侯門巨族。無有議其非者。乏嗣婦亦早沒。膝下僅一女。名麗珠。嬌小玲瓏。光艷可鑒。樵夫甚愛之。女亦侍奉惟謹。樵夫嘗顧而樂曰。吾有此兒。吾無憂矣。又嘗指花謂女曰。吾兒丰姿綽約。殆與吾花無異。吾之愛花。亦如愛爾。然吾花每當其含葩將放時。吾輒割愛售於人。若爾則吾相依爲命。勿論如何。決不使爾寄人籬下。受諸般奚落。女聞之。亦欣然曰。吾願侍阿父以終身。他非所望。是日爲五月中旬。天氣頗炎。女衣淡紅羅衫。手持繡履。側倚門次。若有所俟。少頃。復探首門外曰。天垂暮矣。阿父胡猶不歸。殆又與誰攀談去耶。言未已。樵夫已持其菸管。蹣跚自遠來。女見之。立趨出。遙呼曰。父歸乎。兒眼望欲穿矣。樵夫且行且應曰。今日余運

殊佳。已得豪飲。女頗驚曰。阿父向時必家飲。今胡爲洪醉於外。樵夫啓其朦朧醉眼曰。吾兒爾不知。無怪爾有此問。雖然。彼家牛脯誠佳。竹雞亦甚可口。言已。張吻大笑。女亦笑曰。然則誰家耶。樵夫略不之應。閉扉入。

行經園徑中。忽顧女曰。吾玫瑰咸呈憔悴之色。爾豈忘灌溉耶。言時頗怒。女惶恐曰。阿父……兒曾灌至三次。不知其胡猶如是。樵夫忽又笑曰。彼乃受日光之摧殘。非爾過。吾故難爾耳。遂入室。見案頭玻璃瓶內。猶有餘瀝。復取而狂飲。女繻眉曰。阿父豈猶未足耶。乃扶之臥竹榻。少頃。鼾聲大作。女仍取其繻履刺之。迨樵夫醒時。已明月在山。乃移其竹榻於室外。笑謂女曰。快哉。今

日女曰。阿父心意暢適。兒殊欣慰。但究誰家餉父。兒尙不知。樵夫曰。吾今可語爾。爾曾憶前日至吾家購花之少年乎。女思索良久。曰否。樵夫曰。爾誠健忘。彼謂寧給重值。購我家月季。而不願以短資買人家玉簪。爾果不之憶耶。女點首曰。憶之。憶之。然彼目灼灼似賊。阿父何取乎彼。樵夫曰。咦。彼帥氏貴人也。爾奈何肆口謾之。彼祖父曾宦遊於外。父亦多資。不幸早沒。至彼身。既富且貴。城中人無不從而敬羨。然彼殊無驕矜之態。對下猶能謙讓。備至今。午吾偕園丁送花至其家。適遇彼。留余攀談。謂吾生涯甚可樂。並謂彼行將盡棄紛華。築草堂鄉下。以與吾等尋閑散之樂。以吾觀之。彼殆一厭世人也。談次。聞余嗜杯中物。遂留余飲。若欸以上賓。兒

試思吾一生未與若輩交。今得此。其樂何如。言已。持其菸管狂吸。意若甚得。女默然曰。彼果欲與阿父納交耶。吾意彼殆一僞君子也。樵夫笑曰。爾真孩提不識世事。奈何人家善意。亦不之知。女終悒悒而罷。

第二章

女之性格。殊有過人之處。居恆無疾言厲色。且時時啟其櫻唇。露出潔白編齒。作笑靨狀。一若天恐其美質不足。故增之以顛倒世人者。初亦嘗有一種情愫。盤踞其寸心中。然不久即滅。蓋曾一度失意於其中者也。先是有中表程生者。嘗過從其家。時女年僅十五。情苗初茁。見生翩翩年少。頗愛之。生亦深致其繾綣。兩情脈脈。

勢將如膠附漆。然女自顧家世。與生乃至弗類。若妄冀婚事。乃爲非分。因是時爲悵惘。一日。生忽慙懃謂女曰。吾愛爾。我年已浸長矣。彼蒼佑我。使我與爾相近。誠我畢生之大幸。顧我嘗有一妄念。以爲爾我決非生活於此瞬息愛魔之下。所可竟其願望。故時時欲以姻事請於舅父。以期償我素志。然又恐不獲吾愛之允諾。屢起旋又屢止。今忍無可忍。乃冒昧直陳。吾愛若誠以我意爲然。則請以圓滿之言答我。否則吾當洗心革非。以求合乎吾愛之心。而後止。嗚呼。吾愛。其何以語我來。言已。目光直射女面。女兩頰緋紅。俯首弄帶。良久不能作一語。蓋女自有生以來。從未聞此等溫柔旖旎之言。今驟聞之。不覺芳心忐忑。神思紛亂。且所言又正其刻。

刻深念。惟恐不得之事。故喜極舌結。欲作一語以答生。至不能脫口。生復曰。吾亦知吾形穢。不足偶吾愛。但苦心一片。敢求吾愛原諒。女忸怩半晌。始曰。君言吾至感。惟懼蒲柳之資。不足匹君子耳。生曰。吾愛爾。勿言是。吾心至慰也。自是兩人益形親密。樵夫以生爲至戚。亦略不妨閑。詎女方促生以婚事。干求阿父。適生將有郡中之行。兩人美滿姻緣。遂於焉中斷。生抵郡後。尋入某校。女得書。以情好方濃。遽增相思之恨。殊悵惘無歡。不意逾月後。忽得一大惡耗。則生已在郡定婚也。蓋生入郡後。與其友時出入某富室。富室有女。殊色也。生見異思遷。且涎其富。乃倩人以婚事相要。不期某富室竟許焉。當婚約初成時。生亦頻頻思及女。然以與女僅有

成言。而無成議。另婚良非負德。故直以之告女父。女得此。大痛。思生胡薄情若此。前日之言。固猶歷歷在耳。曾幾何時。竟食言而肥。背之勿稍惜。此等不義無信之男子。真悔當日不當以情與之。尙幸我向能以禮自持。勿及於亂。否則今日之事。何以堪乎。於是洗心滌慮。從事其淡薄生涯。除奉侍其老父外。絕不涉及他事。心所思。思老父康寧否也。目所視。視花枝灼爛否也。偶或憶及往事。則自勵曰。愛情者。惡魔也。男子者。毒蝎也。寧遠之而勿親之。故此日之麗珠。直一純潔無瑕之好女郎也。尤足敬者。彼雖生此蓬門。頗能自甘荆布。人或告之曰。麗珠。城中某家少婦。食膏粱。衣錦繡。出入侍從十數輩。而其貌不及爾甚遠。爾盍擇一如意郎君。以享其

幸福乎。彼輒掩耳笑曰。爾等勿言。我殊樂我此種生活。且彼輩驕奢淫欲。外表雖若甚嚴重。其實卑鄙曖昧。反不如我儕清白可貴。則又何足羨慕。故其父謂我決不使爾寄人籬下。受諸般奚落。彼卽毅然應曰。兒當侍老父以終身。蓋自心坎中掏出。非譌言也。女旣具此高尚之性格。又善相人之美惡。前日午後。方一人持其利剪。往來羣花間。以去枯葉。忽覺垣外時有人窺伺。少選。窺伺之人遽歛屏入。蓋一華服少年也。與女對立良久。始展其笑靨曰。姑娘卽此園主人乎。女乍見。卽知少年非善類。漫應之曰。然。少年曰。然則購花必與姑娘接洽乎。曰。有老父在。乃呼樵夫出。樵夫見少年衣飾華美。意必巨族中人。鞠躬曰。先生下顧。茅廬殊增光彩。然

先生欲何花。草本乎。木本乎。少年指點一二。曰。以吾觀之。翁園幾無一非佳本。吾家華屋初成。正須此。然翁能送置吾家否乎。樵夫曰。是奚不可。但先生居何地。吾殊不甚了了。少年曰。噫。爾不知城中帥氏府第耶。彼巍然高聳於南門者是。言時。若甚驕其貴且富者。樵夫喜曰。知之。知之。少年復指女曰。若卽翁愛女耶。樵夫曰。然。少年曰。光艷若此。殊稱翁之生涯。言已大笑。目閃閃視女不少轉。女見狀。頗怒。翩然遽入。少年仍與樵夫絮聒不休。良久始去。少年旣歸。大喜曰。佳哉。彼姝。今日竟爲余所覩。余之幸福殊不淺。然其落落無情趣。殊令人少興。旣又曰。若父乃鄉村下愚。以余之家世。彼必艷羨。若少飭之以利。其心必動。心旣移。何懼美人不爲。

我有。遂立意以圖樵夫。故是日樵夫送花其家。始留之攀談。繼餉以盛饌。又復以種種相當之言語。取樵夫歡心。樵夫誠鄉愚也。一旦得華胄之寵眷。安能不昏其心志。故夕間告女。女不以爲然。彼猶深爲女責。固不知其女來日之憂患苦惱。盡於此日造之也。

第三章

帥生字拱山。年纔二十齡。爲人極奸險。嘗挾其金錢勢力。以凌辱弱女子。城中姿色稍佳。被彼始亂而終棄者。不可指數。然其口辯甚利。嘗能以三寸舌。自掩其劣跡。因是詆責之者頗尠。是日旣飲樵夫。又深得樵夫之阿諛。大喜過望。以爲樵夫若墮其計。女直囊中物也。於是樵夫每至。輒以佳釀錫之。女見其父終日洪醉。頗憂。

嘗諫之曰。阿父年已侵老。精力疲憊。奈何猶沈醉麴蘖中。以損其神。況非分之賜。君子不受。彼豪華公子。果何取於我輩。阿父頻受其賜。實乃逾分。天下未有逾分而不受禍者。阿父若不與疏。禍且踵至矣。樵夫卒不之聽。

一日。拱山正苦思女。忽樵夫擔花至。拱山謂之曰。翁胡數日不至。殆有所怨於余耶。樵夫曰。日來大忙。不能踵府叩安。良歉。拱山曰。僅此數語。可以竟事耶。吾今日當罰爾作東道主。樵夫慚曰。先生吾家穢陋。藜藿爲殮。安敢屈辱。拱山笑曰。吾誑爾也。惟今日殊熱。實欲往爾家葡萄架下少坐。以納晚涼。樵夫曰。果承不棄。固所歡迎。於是偕拱山行。途次。拱山曰。觀翁狀。想甚貧窘。且年已老。盍覓

一良壻以終餘年。樵夫笑曰。吾之生涯。實賴吾女。吾女若去。不啻失吾手足耳目之能。烏乎可。抑有一言。吾境遇雖屬貧賤。吾心却與吾境遇殊。貧者吾良不欲。富者吾不敢望。故毋寧留以伴余。拱山曰。然則以丫角終其身耶。擇一富而能瞻翁者可耳。樵夫曰。是難。是難。且吾女志亦殊堅。吾良不能強。拱山聞言。頗滋弗悅。

及抵樵夫家。女正倚門而望。見阿父偕拱山至。大詫曰。異哉。吾父乃竟不納吾言。言未已。拱山已立其前曰。姑娘煢煢孤處。得不寂寞乎。女曰。謝先生。吾良甘此。遂入。樵夫偕拱山繼之。維時夕陽含山。涼風快人。花香縷縷。播蕩空氣中。令人嗅之。如入椒室。樵夫顧謂拱山曰。吾園雖陋。然景緻甚佳。先生其樂此乎。拱山曰。吾心良

適言已。相將入室。樵夫呼女以茗至。女良久不出。樵夫曰。先生非他人。兒趣來。勿忸怩作村姑態。女始持盞出。將遞茗與拱山。拱山忽以手握女臂。小語曰。佳哉。女色頓頰。盞幾墮。急趨入。心躍躍動不已。然以老父故。隱不敢發。拱山既飲茗。乃移座室外。此時枇杷方盛。樵夫摘巨筐進。拱山拱山且啖且談。未及數語。忽謂樵夫曰。翁之財產。究爲若干。樵夫愀然曰。先生胡下詢及此。吾行年五十。困於貧窶幾四十年。安足云財產。邇來花事落寞。園租且未付。主人頻頻催索。吾方因此懊喪……言未已。拱山接曰。翁誠儉者。胡早不爲余言之。余不敏。頗抱拯急之懷。苟有所需。吾當給爾。樵夫曰。先生良意。吾滋感激。雖然。吾一生殊不欲向人告貸。蓋吾所入。